


# Pizza Hut lo habri na Mei na Aruba



ORANJESTAD (AAN): Informacion cu seguramente lo cay masha na agrado di juventud y amantenan di pizza, ta e hecho cu Aruba lo haya e restaurant

famoso, Pizza Hut.

Actualmente tin mas di 7.000 restaurant di Pizza Hut rond mundo, y Aruba tambe dentro di poco lo uni den e cadena aki

cu un restaurant cu lo establece den un edificio bao construcion banda di Eagle Bowling Palace, esta riba e caretera Sasakiweg.

Segun informe cu DIARIO a obtene ta indica cu pa fin di luna di Mei esaki lo ta completamente cla. E edificio lo tin su propio lugar di stacionamento, unda tin espacio pa parkeer como 70 auto.

E proyecto aki ta un inversion di mas di un millon florin. Intencion tambe ta pa construi un playground special pa muchanan. Den parti interior di e restaurant tin lugar pa 100 persona, segun por a compronde.

Dentro di poco lo instala e dak special cu Pizza Hut ta usa mundialmente como nan diseño.